

未 4/2

3

痧喉證治彙言



同治壬申秋月

痧喉證治彙言

學仁術齋梓行



北京中医药大学图书馆藏

叙言

痧喉證治彙言曷爲而作也慨夫醫學失傳時師閱
幾種淺近之書便自東塗西抹儼然爲醫矣醫道既
行繁於酬應更無暇搜閱羣書矣及遇稍異於常之
病輒胸中無主以藥試病否或詫爲怪疾藉口於古
書未有此證於是師心自用視人命如草菅吁可歎
已不知氣運遷流病隨時異醫宜博覽尤須潛心古
者溫熱之證錯見於傷寒條內故無專書以致後人
混同論治至葉香巖先生始極力闡發溫熱一論不
啻大聲疾呼而世知有溫熱證矣近時爛喉丹痧之

病古亦無專書當香巖先生時其病尙未廣行觀臨證指南並無一案及是則知當時尙少斯恙厥後吳中唐笠山刻吳醫彙講於乾隆壬子始集有唐祖李三論而踵起者又有高氏之瘍科心得迨雲間朱氏古歙汪氏出遂大暢厥旨論證論治義顯詞明畧無影響模糊可宗可法無如吉光片羽間見錯出閱書甚少者尙未曾寓目際此厲災流毒之時而可宗可法之言埋沒於線裝書中不使時流一見豈非憾事歟因彙集羣言畧加按語編爲一帙俾醫師覽此得所折衷而世之患此恙者或有可倖免若覽此而鄙

夷不屑仍然師心自用此至聖所謂吾末如之何也
已矣
崇治壬申歲秋九月崇川施猷小橋甫識



痧喉證治彙言

崇川施猷小橋甫編輯

古吳唐迎川名學吉號載張

摘吳醫彙講
刻於乾隆壬子

爛喉丹痧論

以藥試病
所謂學醫
人費若再
師心自用
殺人無算
矣

近來丹痧一證。患者甚多。患而死者亦復不少。世人因方書未及治。亦無從措手。或云辛散。或云涼解。或云苦寒泄熱。俱師心自用。各守專門。未嘗探其本源。按仲師金匱書。陽毒之爲病。面赤斑斑如錦紋。咽喉痛。吐膿血。五日可治。七日不可治。升麻鱉甲湯主之。之文細繹其義。實與此證相類。何會心者之絕少耶。

用此方仍
宜斟酌

惟是升麻鱉甲湯。蓋以升麻升透厲毒。鱉甲泄熱守神。當歸和血調營。甘草瀉火解毒。正內經熱淫於肉。治以鹹寒。佐以苦甘之旨。而內有蜀椒雄黃。似當加於陰毒方中。或因傳寫之訛耳。一轉移間。則於陽毒陰毒之義。尤爲貼切。而人之用之者。亦鮮疑畏矣。今如遇此丹痧一證。當於經義詳之。毋謂古人之未及也。不揣愚陋。用敢質之同人。

按此論溯源金匱。可謂讀書善悟。陽毒二字。尤爲此證的義。蓋人身二氣調和。自然無病。一有偏勝。則病作矣。偏勝而更加以厲氣。則成毒矣。痧喉一

證偏於陽勝其正氣無虧者偶染此恙脉必不浮
不沉而數先從涼散繼以清解便可應手而愈其
有陽盛陰虧者陰先不能承陽更或病正欲作而
犯房事或他病初愈後而復感此或婦人新產後
而卽發此者脉必浮數無力其外象熱盛面赤喉
痛神昏甚或囈語如夢任進升散而汗少痧隱改
進涼解而病勢日增逡巡告敗卽歸咎於醫不知
病作之初陰不濟陽陽毒一發卽陷入陰升散則
陰不能達清降則陽愈深入病機之不治醫不
之於先昧然施治又何怪受咎於後也至有

此卽俗云
問證

陽虧者其平日正氣不旺好靜惡動陽氣先餒於中偶感厲氣一派陰霾之氣早起而蔽之升散則陰盛無能作汗涼解則以陰從陰邪陽愈不能出每有偶一發熱痧隱不出旋見肢厥神昏壞於兩三日間者此類是也醫者尤當審治於早蓋醫爲仁術無不欲人之病愈者然遇不治之證卽宜脉證細參詳告於先庶不任過於後矣

古吳祖鴻範

名世琛號小帆

摘同前

爛喉丹痧治宜論

夫丹痧一證方書未有詳言余究心是證之所來不

明白曉暢

治要宜知

切中時弊
專字一誤
到底

外乎風寒溫熱時厲之氣而已。故解表清熱各有所宜。治之得當。愈不移時。治失其宜。禍生反掌。無非宜散。宜清之兩途也。其證初起。凜凜惡寒。身熱不甚。亦有壯熱而仍兼憎寒者。斯時雖咽痛煩渴。先須解表。透達爲宜。卽或宜兼清散。總以散字爲重。所謂火鬱發之也。苟漫用寒涼。則外益閉而內火益焰。咽痛愈劇。潰腐日甚矣。不明是理者。反云如此涼藥。尙且火勢勃然。不察未散之誤。猶謂寒之未盡。於是愈涼愈遏。以致內陷而斃者。有之。或有云。是證專宜表散者。余謂所見亦偏。前所云寒熱之時。散爲先務。俾汗暢

次第井然

指迷語

要言不煩

深於閱歷
之言學者
須知

而丹痧透發已無惡寒等證至此則外閉之風寒已解內蘊之邪火方張寒涼泄熱是所宜投熱一盡而病自愈矣若仍執辛散之方則火得風而愈熾腫勢反增腐亦滋蔓必至滴水下咽痛如刀割間有議用清涼者乃以鬱遏誹之炎熱燎原殺人最暴此偏於散而謗誹清者之爲害也彼言散之宜此言散之禍彼言寒之禍此言寒之宜要惟於先後次第之間隨機權變斯各中其竅耳再此證愈後每有四肢痠痛難以屈伸之狀蓋由火燄陰傷絡失所養宜進滋陰非同痺證此又管窺之所及敢以質之高明

的義

按此論切中利弊。字字名言。非臨證有年。深於閱歷者。不能著此。此證而得此論。洵救時寶筏也。第方藥闕如。是爲憾事。學者熟讀此論。并與後卷互參。自可生心化裁。亦無須按圖索驥也。

古吳李純修

名基德號雲浦

摘同前

爛喉痧論

爛喉痧一證。古書不載。起於近時。而并易傳染。治之者。每謂太陰。肺陽明。胃二經風熱之毒。而致爛之由。亦不可不詳察也。譬之於物。以盛火逼之。祇見乾燥。而不知濕熱鬱蒸。所以致爛耳。此證凡風熱者。治宜

清透濕熱者。治宜清滲。痰火凝結者。治宜消降。益邪達則痧透。痧透則爛自止矣。若過用寒涼。勢必內陷。其害可勝言哉。夫證有可治。有不可治。口中作臭者。謂之回陽。其色或淡黃。或深黃者。此係痰火所致。皆可治之。證他如爛至小舌者。鼻塞者。合眼朦朧者。并有元氣日虛。毒氣深伏。色白如粉。皮樣者。皆不可治之。證也。總之。因天地不正之氣。感而受之。故體有虛實之不同。卽證有重輕之各異耳。其餘喉證。痧證。古人言之詳矣。槩不復贅。

按此論亦清順可法。惟濕熱痰火兩說。或其人素

有此恙。加以感受厲氣。自然更甚。非專因濕熱痰火而發痧喉也。特比無此風恙者較重耳。自當遵古法先治其標。後治其本之旨。參以清滲消降之品爲宜。若徒用清滲消降。鮮不誤矣。

錫山高錦庭

名秉鈞號未詳

摘蕩科心得集
書刻於嘉慶乙丑

辨爛喉丹痧順逆論

夫爛喉丹痧者。係天行疫厲之毒。故長幼傳染者多。外從口鼻而入。內從肺胃而發。其始起也。脉緊絃數。惡寒頭脹。膚紅肌熱。咽喉結痺。腫腐遍體。斑疹隱隱。斯時卽宜疎表。如牛蒡解肌湯。升麻葛根湯。內加消



初起不必
定用珠黃
散證輕易解
者不必拘
定日數

此即悶證
治法不甚

食等藥。喉內用珠黃散吹之。至三四日。溫邪化火。熱盛。痧透者。解肌湯內加犀角、羚羊、石斛、花粉。如大便秘結、燥實者。涼膈散亦可。如協熱便泄、舌苔白膩者。葛根芩連湯。至五六日。熱甚。神識時迷、咽喉腐爛、鼻塞不通時流濁涕。此以火盛上逆。循經入絡。內逼心胞。用犀角、地黃湯。或玉女煎。內加膽星、石菖蒲、西牛黃、藥珠。或紫雪丹。至七日後。熱退。遍體焦紫。痧斑如麩殼脫皮而愈。如起時一二日後。脈細、絞勁、身雖紅赤。痧不外透。神識昏蒙。語言錯亂。氣逆喘急者。此疫毒內閉。即為險逆。證可用鮮生地四兩搗汁。和金

的當

汁梨汁蔗漿再用鮮蘆根煎湯磨犀角汁冲和送化
紫雪丹或珠黃散惟芳香開逐庶可冀其僥倖於萬
一耳

按此論治法次第井井有條學者宜遵非至其候
方藥切勿亂投至內閉一條即俗云悶證不治者
居多所列藥味全是以陰從陰未足爲法惟紫雪
丹珠黃散二方可爲冀僥倖者之一助

方藥

牛蒡解肌湯

治頭面風熱或頸項痰毒風熱牙
癰等證

牛蒡子

薄荷

荆芥

連翹

山梔

丹皮

石



中國醫藥大學圖書館藏

斛 元參 夏枯草

升麻葛根湯

治陽明頭疼身痛發熱惡寒無汗及陽明發斑欲出不出等證

升麻 葛根 芍藥 甘草

珠黃散

方見後

涼膈散

治膈熱有餘中焦燥實二便淋閉胃熱發斑瘡疹黑陷等證

黃芩 連翹 山梔 薄荷 甘草 竹葉 芒硝

大黃

葛根芩連湯

主治陽明解表清裏火毒內逼協熱便泄等證

葛根 黃芩 黃連 甘草

犀角地黄湯

清營解熱能治一切肺胃之火

